

G. III. 84d

Poetae Polono-Latini. 1562.

Simonides Simon.

Simonides Simonis: Aelinopaeam

Em. II. d. 47





5138

CIMELIA

5138

G. m. 89 d





AELINOPEAN

Simonis Simonideꝯ

LEOPOLIENSIS.

BIBLIOTHECA



JAGELLONICAE

Cim. Gu. 5738.

Ælinopean

Simonis Simonidæ Leopolienſis.



STROPHE. I.

Diffidentia, quæ futilibus
Auris ſuſpicionum
Elata, recti conſilij obices
Voluis tenebras, veritatisq; aureum
Solem, inuida caligine,
Mundo eripis: rerum interitus miſeros,
Et damna ſerò pœnitenda,
Poſt propagans, fædo abortu:
Quantis malis implicâſti,
Altricem patriam meam,
Septemtrionum ocellum,
Mauortis aream duellicam,

ANTISTRO: I.

Terram magnanimùm Roxiadum ?

A ij

Quam

*Quam, (prò fata fera, ach fe-
ra fata) sæua indagine, Barbarus
Hostis, modò penetravit; ignium ferus
Iactator, insector procel-
lipes domorum, non pecorum aut hominum
Discriminis seruans, neque ulli-
us satur prædæ aut rapinæ.
Hunc turbinem olim adfuturum,
Gnari multa Samoscidæ,
Præsenferat catum cor,
Longè antè. enim robur capax labo-*

EPO: I.

*rum, & mens consilijs fulta fidelibus,
Cui suppetit; futuri
Scientiam is cognatam habet.
Quorum utrorumque usibus assiduus,
Æuum subactum possidet Samoscius.
Ergò luce velut palam
Viderat in media
In Russiam ventans malum.
Regemq;, seßimoniumq;
Regium, plena procerum in corona,*

STRO.

STRO. II.

*Pulsabat validis hortatibus :
 Magno nauta mari ceu,
 Clauus regendus cui onerat manum,
 Pellaciæ omnis Ponticæ sat conscius,
 Nulli sereno credulus,
 Proporrò turbas æquoris ingruere
 Sentitq̃, nuntiatq̃, remi-
 gumque robustam increpat vim.
 Fando recensabat ille,
 Vt cunque, exuperans fauor
 Diuûm, rei Polonæ
 Donaret euentus pulcherrimos ;*

ANTIS. II.

*Ne ridente animum diluerent
 Fortuna, leuis auræ
 Securi ; eò, quin sollicita mage
 Cura excubarent, serus incerti vehat
 Quid vesper. ac vel omnia
 Portu natarent iam in placido ; sibi quo-
 ties recordaretur oræ*

A iij Russiæ,

*Russia, non posse mentem
Consistere; illam sueti
Quando praesidij vide-
at indigam, nec usum
Ullum relictum per Polonias*

EPŌ: II.

*Fixæ militiæ. si subita infremat
Procella, se se habere ex-
ploratum, & ipsis editos
Patribus Dijs, figere splendida non
Solitos trophæa, unius hastæ cuspide,
Magnas, magnam opulentiam,
Poscere suppetias;
Cassamque custodis forem,
Ad damna prædonem aduocare.
Non Scytham tantæ pietatis esse,*

STRO: III.

*Cui ignotus ager, cui nec ara-
tur, nec conseritur, sed
Vetus rapina vivere mos tenet;*

Porta

*Porta data, prædarum ut immemor velit
Manere: quanquam esto, ut ferox
Lupi fames, mite induat ingenium,
Atque æquitatis limitem intra
Se coërceat, nocendi
Ultrò abstinens: nidulato-
rem tamen Dneperi accolam
Vagum Nisouium, nun-
quam huius daturum copiam boni; ir-*

ANTIS: III.

*ritatam rabiem, atrox Scythia
Ne mox exerat: is quo-
niam, loca in sola, ob melioris o-
dium recesset vitæ; Et à laboribus
Iustis, ad insolentiam
Se contulisset belligerandi; agitan-
disque undique improbis rapinis
Incubaret: non Dei, non
Legum sciens, fœderum hæc;
Tantumque assidua daret
Iniuriæ, per omnem
Viciniæ: ut nisi fræno illicet*

EPO:

EP O: III.

*Acri, in legitimum ponitur ordinem,
Latrocinique finem
Tandem facit: iam non modò
Impigræ ultrici Sythiæ, stimulum
Hunc admoueri ad sæuiendum congruum;
Sed bello quoque Turcico
Sat fore sollicitan-
do. cuius impetum horridum,
Vel perperam ire prouocatum,
Vel pati, ut spontè irruat imparatis,*

STRO: IV.

*Mendosè rationantùm hominum
Esse, & cladis apertæ.
Hæc tum tonabat verba, tenax minis
Instare monitorum orbitam veracium.
Ventis sed obstrepentibus,
Inter sonorem siluifragum, haut facile
Humana vox aptatur auri.
Consulares nec tum apud vi-
ros, audiebatur ille*

Sermo,

*Sermo, turbine suspici-
onum, fidem opprimente,
Quasi is, suam furore in Martio.*

ANTIS: IV.

*Qui spernens animam, pro patria
Hosti se toties ma-
gnam victimam deuouerit; arduus
Aequè manu, & sapientiae templa edita
Cum flore virtutum obtinens,
Priuata lucra, incommoda publica per,
Fallace venaretur arte.
Spreta veritas, amat ful-
men, accita ira, æmulari.
Feruens vrit enim dolor,
Videre corruentes,
Qui stare contemnunt de industria.*

EPO: IV.

*Nec se continuit; quin genus omne homi-
num, & Diuûm, & omne quodcun-
que est fas nefasque; testimo-*

B

nI ad

*nil ad sacramentum, increpitans imperet;
Genioque patriæ, suam deponeret
Dextram, fidi animi obsidem.
Quandoquidem ambiguus
Sententiæ feratur atque
Indignior, quàm tuto credi
Cui potest; belli interea labor, si*

STRO: V.

*Quâ prorumpat, & improvida tur-
bet regna, exitijque
Det vulnus: illorum fore crimen, e-
uentu magistro, saucij, serò utilem
Qui post crepant solertiam.
Nunc se monentis temporio officio
Fungi: sed excludi inuida aure.
Tum quieuit, cura edens cor.
O Musa, quæ mella mæ li-
bas ignobilis otij;
Immunis ut, carensque
Honorum, inertì me silentio*

ANTIS: V.

Dam-

*Damnem; non mihi tu falsiloquam
Doctrinam memorasti.*

*Si quandò vitæ tædia me meæ
Vexare possent, & negotijs auc-
rem intrudî: ut angustis poti-
us in viarum anfractibus, indomito
Concurrerem pugnans leoni;
Quàm suâsor fortis orsi
Ad dissonum vulgus irem.
Hoc certamine, lubricum
Postquàm pedem frequenter
Impingat, omnium arrectissimus*

EPO. V.

*Vir; nec sustineat frangere murmura
Inconditum frementis
Turba. neque hos miror tamen;
Disiti, amplo in corpore, latipaten-
tis regni, ad ærumnam remotam, incredulo
Si qui pectore dormitant.
Maxima nec Babylon,
Longinqua sensit protinus
Tecta urbis, inflammari ab hoste.*

B ij Nam

Nam domi quod fit, fodiat propinquo

STRO: VI.

*Id demum stimulo; ad damna alie-
na, ultrò quisque supinos
Sensus gerit. vos, vos, paries quibus
Ardens, petebat proxima flamma latus;
Quorum imminebat vertici
Ruina præceps; vos stupeo mea gens,
Germen beatum Russiæ almæ.
Nemferunt, authoribus vo-
bis, rem impeditam; lupatum
Ne Nisouius accipe-
ret. quem, manu esse promptum,
Vitæque non parcum, ferro pacis-*

ANTIS: VI.

*ci; non quisquam alius, non ego pos-
sim cum fronte negare.
Sed, nulla virtus, fruge bona nitet,
Legem, omnium reginam, abhorret quæ pati.
Vetabo, si prudentior*

Se pa-

*Se patria quisquam gerere instituat;
Nec arma bellatoris acri-
ora perferenda, supra
Quam lex sinat. tædet in vul-
gus sparsi opprobrij; attamen
Rumor frequens susurrat;
Plerisque vobis cum Nisouio,*

EP O: VI.

*Commune esse bonum, participandaque
Belli arte, furta quari.
Hoc obstitisse, sub iugum
Fervidæ ne colla licentiæ abi-
rent. subdolus lucri est nitor; blanditur in-
escans exiguo illice;
Retia mox aperit
Cuncta haurientium cladiuri.
Morbo impotenter obsecundan-
tium, procax hæc mollicies habetur;*

STRO: VII.

Vt culpa tenuis sæpe cibi,

B iij Obso-

*Ob solatia parua
Læsi palati; funeris accele-
rent ultimam horam, perperam insanabiles.
Imago vestra, hæc ne foret
Vellem nimis. verum, horrida vastities,
Humoque fumans Russia omnis,
Clade sat monent recenti :
Nisouiensis rapina,
Quanto scenore constite-
rit; quam Scythæ, ærea, aure-
is, lance inæquali, mutauerit.*

ANTIS: VII.

*Luctus singula fari prohibet.
Heu, cui ille pepercit
Aut sexui, aut ætati, hominumue, ani-
mantumue? cui rei prophana, vel sacra?
Cui culto, & inculto loco?
Quæ virgines, matrum è gremijs; quot aba-
tæ coniunges, obscænum ad usum,
E virum complexibus? quæ
Pubes, qui alumni Gradiui,
Bellorum unica robora,*

Strauc-

*Struere cæde terram?
Omniq̃ue congesta cum opulentia,*

EP O: VII.

*Plebs, nullo ordine, nullo numero, pedi-
cis acribus recepta,
Finesq̃ue pulsa trans suos,
Ferreum in sæclum, exilij ad toleran-
tiam nefandi. lachrimæ; haut meta hæc mali:
Maior vos metus imperat
Sistere mollem oculum.
Podolico nondum ex agro, tem-
pestas migrarat illa: quum
Ecce deîntegro, legionibus sub-*

STRO: IIX.

*nixus Threicijs, Danubij
Tranans ripam, aderat fe-
rox Turca; eundem vindicæ persequens
Nisouium dextra; Scythisq̃ue iungere
Socia agmina ardens. sic iubet
Conserta sæuo fœdere relligio.*

Nos in-

*Nos interim ad vexilla Christi,
Ambitu improbo, atque fœda
Discordia, sanctum amorem
Obliviscimur; & rui-
mus vulnera efferati
In mutua, hostile ad ludibrium.*

ANTIS: IIX.

*Dij? quæ tum facies? quæ misera
Concursatio? quæ con-
clamata, planctu funditus ultimo,
Rerum omnium fortuna? ripa qualis in
Patente, Nili imperuij,
Dracone ab immani, horrida flammium
Stringente ricta dentium, præn-
sus viator; non fugæ, non
Pugnæ potens; ultimo pal-
lore, huc ambiguum pedem,
Atque huc rapit; sui impos;
Gulaque iam se se ima haustum autumat.*

EPO: IIX,

Summo

*Summo sic tum etiam sanguine proge-
 tos vidi ego duces, ple-
 be cum vaga promiscuos,
 Fauce iam clausos velut hostis, anhe-
 lantes, manumq; languidam, modo huc, modò
 Illuc proijcere, & spei
 Reliquias trepidas
 Vix confouere; cum querella
 Caduca, & imbelli sono;
 Fessaque addictos prope colla, vinclo*

STRO: IX.

*Iam iam Barbarico. haut nempe aliter
 Pax infracta solet, per-
 misumque pectus desidia, meli-
 orumque obaudiens, suos nutricios,
 Producere ad fati aspera.
 Torpentum ineptè, ô Magne S. Amosciada,
 Respublica haut eget virorum;
 Altiora viribus sed
 Qui audere possint, patique.
 Ten' dicam domitum quoque
 Metu? aut parasse robur,*

C

Experdita

Ex perdita spe? quando huc aduolan-

ANTIS: IX.

*tem, istas in regiones, rapido
Cursu, vidimus uni-
cum. nulla mentis tum trepidæ tibi
In fronte mæsta ruga. testis illa nox,
Vulgusque densum. sed lea,
Vis sæua venantùm, sobolem quoties
Illi relictam oppugnat, infan-
tùm accita imploratu acuto,
Ut se rapit, vulnerum ut cu-
ram contemnit, & obuiam
Densissimis volat te-
lorum ictibus, contra omnes, sola par.*

EPO: IX.

*Sic te tum rapiebat furor igneus,
Audere pertinacem
Vnum. hinc ferox lingua; hinc mina-
ces cruenta luce oculi. modo pos-
cere arma, modò damnare serò credulas
Mentes;*

*Mentes ; aut pavidis metum
 Excutere ; ast alios
 Armare præsentes ; & absen-
 tium strenuam innuocare opem ;
 Muniendis urbibus admonere*

STRO: X.

*Intentos alios ; linquere nil
 Intactum, nec inausum.
 Redux videri continuo omnium
 In membra pristinus vigor, geluque cor-
 da dissoluta surgere.
 Et iam pudoris, degeneres animos,
 Virtus respirans arguebat.
 Nemo non crepare ferrum ;
 Nemo manum, nemo nomen,
 Non adscribere militi-
 æ, ingentibusque grassa-
 ri ausis, repulsam ad hostium impigram.*

ANTIS: X.

Sic olim validis imbribus, aut

C ij Dira

*Dira grandine, latè
Quassata campis, luxurians seges;
Soloque profligata tetricum in modum;
Solis subinde lucidam
Si vim supernè sentiat, & radio
Calescat instaurata, mox gestit
renidere, atque honorem
Priscum resurgit receptans;
Cælique exilit in spaci-
a, promicante culmo.
Leone duce, vel cernos sumere*

EPO: X.

*Fortem fas animum. quid iuuenum face-
ret flos, refecta bello,
Lectissima ante corpora,
Agmen acri prægrediente viro?
Victorias cuius, recensere affatim
Non uno inclyta nomine
Gloria suppeditat;
Victum vspsiam, virtus vetat fa-
ri. hæret dièi splendor il-
lius, hærebitque oculo, diu de-*

STRO:

STRO: XI.

*mirantum populorum, in memori;
 Quum te, iam sat adulta
 Belli mouentem robora, propalam-
 que euntem in hostem, militum nimbi horridi,
 Ferroque fulgentes cater-
 uae, hac adfremebant atq; hac; sonipesq; rigi-
 di conscius sessoris, ardu-
 o pede increpare terram,
 Et fræna proferre contrà,
 Feruebat volucrum gradum;
 Spargens lupis cruentam
 Spumam, & crebrum ceruice fluctuans*

ANTIS: XI.

*Sublimi; haud sine naris rapido igne,
 Palpebraque vibrata
 Identidem. præ rumor it anteuo-
 lans, ocior ventis, feros quassans metus;
 Sequuntur, implentum æthera,
 Grata remistæ lætitia lacrimæ,
 Atasque circum fusa vota.*

C iij Iam tum

*Iam tum in arua nostra se se im-
ponebat hostis, gemente hu-
mo sub pondere; & oppida
Iactis vorabat igni-
bus, acer impetu effusissimo;*

EPO: XI.

*Certaque, haut mora, spe præcipiens sibi
Nostrum omnium ruinam.
At nemo turpius cadit
Magno ab incepto; quam animo tumidus
Qui despicace, hostem sibi proponit im-
bellem; vimque opibus suis
Arrogat omnigenam,
Spectaculum mî mentis an-
te lumina, obuersatur huic par.
Ætheris latas quoties cauernas,*

STRO: XII.

*Nimborum picei conduplicant
Montes, fataque fulmi-
nibus, creatrix horrifona imbrium,*

Tonitri-

*Tonitruuoma it nubes ; tenebrarum rotans
Agmen, facesque fulgurum
Miscens crebras, per terricrepo fremitu ;
Non illam ab alto nauta prospe-
ctat mari, terroris expers ;
Non pastor, aut cultor agri ;
Turritis etiam urbibus
Latè pauent, fugaque
Se quisque condit in tectas domos.*

ANTIS: XII.

*Si se se interea, ventipotens
Cæli è parte serena
Effundat, & contraria flamina
Opponat, infestissimus Boreas ; retor-
quet illicò cursum atra nox ;
In terga raptim præcipites tenebræ
Sidunt, volant hac fragmina atque hac
Nubium ; molesque nimbo-
rum cuncta, inanes per auras
Vanescit lacero agmine.
Sic, postquam inaudijt nos-
tros promoueri contra exercitus ;*

EPO

EPO: XII.

*Ille irarum opulens, ille ferox minis,
 Retrò gradum repressit ;
 Sensimque sedes subtrahens
 Se in suas, disparuit ; immodicus ,
 Et inchoandæ, & deserendæ æquè spei.
 Aspris cantibus, ô lyra ,
 Pœnè ratem creperam
 Affliximus. vita vadum
 Iactantiæ ; neu gloriam se-
 ctare, falsis laudibus impeditam ;*

STRO: XIII.

*Ex vero cape. quis credat enim ?
 Europæ, atque Asiæ, oppres-
 Sorem Tyrannum ; qui domito super
 Se se orbe, latè ostentat, horror omnium ;
 Cui neruus infinitus, ad
 Patrianda bella, olim superat ; medita-
 tum in nos furorem dum exerit, mo-
 lemque maximam profundit
 Exerciti ; nostram, ad arma,*

Hautius-

*Haut iusto numero parem,
Raptim manum coactam,
Exhorruisse, & versum isse in fugam.*

ANTIS: XIII.

*Liior me aspicit obliquo oculo.
Audacem tamen asse-
quar veritatem; quã via secta se-
mel, inclytum vocat pedem. Si virium
Contentio, luctamue, con-
flictumue pugnae, prouocet ad specimen
Robustitatis æmulandum:
Qui periculo se se arenae
Committere ausit, vel ipsum
Contra centimanum Gijem,
Certator vnus è mul-
tis, repperiri non agrè solet.*

EPO: XIII.

*Natura ingenerans corporibus siqui-
dem, robur affatim affin-
git; estq; vir virum supra;*

D

Et minor

*Et minor magnum facile aggreditur.
Ast mentis ad certamen, & vices eas,
Quæ clarant hominem merè,
Fisa sibi egregia
Virtus, ubi processit ; at-
que opes repertas maximarum
Artium, luce edidit in patenti :*

STRO: XIV.

*Campo credere se, rarus amat.
Torpens dum prohibet cor,
Rudisque vitæ conscia vilitas.
Nec fallere est animum, suas vires, seu-
ram metientem ad regulam,
Sensu secreto pectoris admonitum.
Nec parte in hac, quisquam sibi sat
Vendicat ; qui per diu su-
datum laborem, ante multò,
Thesauros sapientiæ,
Musarum in officina,
Non reperit. sprete sed in iuuen-*

ANTIS: XIV.

ta illa

*ta illæ, post senij stultitias
Produnt, attenuantque
Cordis minores. porrò, alacrem indolem,
Sublime susceptam, secundis promouent
Alis, & ad iubar suum,
Cælo reficta consolidant acie:
Pars, quicquid accretæ uspiam extat
Labis, emundare, copi-
amque artium affundere omnem;
Pectus, pars, adamantina
Munire firmitate,
Prægestientes. donec ad sacrum*

EPO: XIV.

*Limen, cunctipotentis, labor arduus,
Prudentiæ penetret.
Hæc omnium, regina la-
tè vicens rerum, premit imperio,
Frænatque vitas ancipes mortalium.
Insanum mare nauita
Hac duce sollicitat,
Sævisque tempestatibus
Illudit audax: hac domorum
Dij Sustinen-*

Sustinentur culmina non caduca,

STRO: XV.

*Statque innoxia rite urbica res,
Regnorumque salus vi-
gel: huius adnixa auxilijs, bea-
ta pax, serena fundit æui germina,
Pangitque mansuram fidem:
Hæc bella nutu temperat indomito:
Hanc perfidi pauent Tyranni:
Hostis, hanc in hoste, cum pri-
mis horret, altosque ponit
Luxato impete spiritus;
Vtcunque maior armis,
Cæca sed ambage imperitiæ,*

ANTIS: XV.

*Informique anima, deterior.
Dum flagrat medio axe,
Sol, vadat is purum inficias diem;
Qui, te Samosci, summitates omnium
Tenere splendorum, erudi-
tæ mentis,*

*ta mentis, effrons perneget; aut sapiens
Pectus tuum, magno orbe terræ,
Luce non clarere aperta,
Contendat. hinc nempe certum est;
Formidabilis ut vide-
âre, & tuos pati vul-
tus, barbaro hosti, promptum non fue-*

EP O: XV.

*rit; quin se volucris, protinus ad loca
Semota, ita referret;
Utròque, spectate tuæ,
Cederet virtuti, animis leuior.
Nil abnegatum peruiacaci industriæ est.
Primos, ista tamen occupat,
Laudum apices; varia
Qui post laborum munia,
Manum fatigatam, in sinu Di-
uûm locat, gratumque decus reponit,*

STRO: XVI.

Cuncta autoribus illis tribuens.

D ij

Nec te

*Nec te, istam pietatem,
 Fas relinquere: etsi suprâ hominem sapis,
 Cælestium minor, colens proiectam humum.
 Cupido me dia abripit;
 Affusus aris, flexanimes cytharæ
 Modos, ut ad vota exigam. quid
 Est? quid adprecans mage optem?
 Pacemne, an arma? ô supreme
 Regnorum, atque hominum sator,
 Clementius boni quo
 Nil sentiunt, idem acer criminum*

ANTIS: XVI.

*Vltor; supplicio si scelerum,
 Hanc, imo exphlegetonte,
 In nos retorsisti Furiam Sara-
 cenam, parâsque perdere in nexum datos:
 Ceu regna Graiûm, & Pannonas,
 Nilumque sacro conspicuum ubere agri;
 Placatus absiste, & quietem
 Redde, ut ut perire prome-
 ritus. datum sin' nimis pœ-
 narum est, & tua te, Pater*

Oppro-

16
16
*Opprobria, atque honorum
Strages tuorum tangit, belluam-*

EPO: XVI.


*que hanc, stat tollere, nosque auspiciū dare
Felicibus iubes or-
sis: non ego externæ cruo-
rem tuens fūsum, nec amorem habeam
Imbellis æui. sed rigens ferrum, & iuven-
tus, crudelibus effera
Mī placeat studiis.
Nec abnuam, cadauerum,
Referre pacem CHR Iſtianam
Pristinam, magnis cumulis redemptam.*


IESV CHRISTO, LAVS, ET GRATIA.


BIBLIOTHECA



JAGELLONICA







POËTAE POLON.

~~N. 138.~~

5438

